

/մաքսային վճարների, հարկերի և տույժերի գանձման վերաբերյալ/

«25» նոյեմբերի 2021թ.

ք. Սիսիան

Ես՝ Հայաստանի Հանրապետության Պետական եկամուտների կոմիտեի Հարավային մաքսատուն-վարչության պետ Հայկ Միրզոյանս ուսումնասիրելով «ԿՐԻՍՏԱԼԼ» ՍՊԸ-ի (ՀՎՀՀ՝ 09428341, հասցե՝ Սյունիքի մարզ, ք.Ագարակ, Աբովյան փողոց, տուն 8Ա) կողմից «Մաքսային տարանցում» մաքսային ընթացակարգով 15.09.2021 թվականի թիվ 05100041/150921/0034383 տարանցման հայտարարագրով հայտարարագրված ապրանքների փաստաթղթերը.

Պ Ա Ր Զ Ե Ց Ի

«ԿՐԻՍՏԱԼԼ» ՍՊԸ-ի կողմից 15.09.2021 թվականի թիվ 05100041/150921/0034383 տարանցման հայտարարագրով ՀՀ ներմուծված բեռը սահմանված ժամկետում չի հասցվել նշանակման մաքսային մարմին և չի հայտարարագրվել որևէ այլ ընթացակարգով:

Նշված հայտարարագրով բեռը «Ներքին սպառման համար բացթողում» մաքսային ընթացակարգով հայտարարագրվելու դեպքում՝ ՀՀ ՊԵԿ Հարավային մաքսատուն-վարչության մաքսային գործառնությունների բաժնի կողմից 26.10.2021 թվականին տրված տեղեկանքների համաձայն կառաջանա 943882 ՀՀ դրամի չափով մաքսային վճարներ և տույժեր, որից ավելացված արժեքի հարկ՝ 690612 ՀՀ դրամ, մաքսատուրք՝ 164431 ՀՀ դրամ, բնապահպանական հարկ՝ 65773 ՀՀ դրամ, ավելացված արժեքի հարկի տույժ 26.10.2021 թվականի դրությամբ՝ 11602 ՀՀ դրամ, մաքսատուրքի տույժ 26.10.2021 թվականի դրությամբ՝ 10359 ՀՀ դրամ, 26.10.2021 թվականի դրությամբ՝ բնապահպանական հարկի տույժ՝ 1105 ՀՀ դրամ:

«ԿՐԻՍՏԱԼԼ» ՍՊԸ-ի տնօրեն Ռոմա Կարապետյանը առձեռն 15.11.2021 թվականին պատշաճ ծանուցվել է «ԿՐԻՍՏԱԼԼ» ՍՊԸ-ի չկատարած պարտավորությունների մասին և առաջարկվել է 10-օրյա ժամկետում կատարել պարտավորությունները և զգուշացվել է, որ պարտավորությունները չկատարելու դեպքում, մաքսային մարմինների կողմից դրանց բռնագանձումն իրականացվելու է օրենքով սահմանված կարգով:

ՀՀ Սահմանադրության 60-րդ հոդվածի 8-րդ մասը սահմանում է, որ յուրաքանչյուր ոք պարտավոր է մուծել օրենքին համապատասխան սահմանված հարկեր, տուրքեր, կատարել պետական կամ համայնքային բյուջե մուտքագրվող պարտադիր այլ վճարումներ:

Հարկային օրենսգրքի 78-րդ հոդվածի 5-րդ կետի համաձայն.

«Ներքին սպառման համար բացթողում» մաքսային ընթացակարգով Հայաստանի Հանրապետություն ներմուծվող ապրանքների համար Օրենսգրքով սահմանված կարգով հաշվարկված ԱԱՀ-ի գումարները Հայաստանի Հանրապետության պետական բյուջե են վճարվում մինչև «Ներքին սպառման համար բացթողում» մաքսային ընթացակարգով

ապրանքների բաց թողնումը (եթե ԵՏՄ միասնական օրենսդրությամբ այլ ժամկետ սահմանված չէ)՝ որպես մաքսային մարմին վճարվող գումարներ:

«Մաքսային կարգավորման մասին» ՀՀ օրենքի 115-րդ հոդվածի 1-ին մասի համաձայն՝ տույժեր են համարվում սույն հոդվածով սահմանված այն դրամական գումարները, որոնք մաքսատուրք, հարկեր վճարողը պարտավոր է վճարել Միության մաքսային օրենսդրությամբ և (կամ) Հայաստանի Հանրապետության մաքսային օրենսդրությամբ սահմանված ժամկետներում մաքսային վճարները չվճարելու կամ ոչ ամբողջությամբ վճարելու դեպքում:

Նույն հոդվածի 2-րդ մասի համաձայն՝ մաքսատուրքի, հարկերի վճարումը սահմանված ժամկետներից ուշացնելու դեպքում ժամկետանց յուրաքանչյուր օրվա համար վճարողից գանձվում է տույժ՝ ժամանակին չվճարված մաքսատուրքի, հարկի գումարի 0,15 տոկոսի չափով, բայց ոչ ավելի, քան 365 օրվա համար, բացառությամբ սույն օրենքով և Միության մաքսային օրենսգրքով և իրավապայմանագրային բազան կազմող պայմանագրերով նախատեսված այն դեպքերի, երբ հայտարարատուին կամ նրա լիազորած անձին տրամադրվել է մաքսատուրքի, հարկերի վճարման հետաձգում:

Հարկային օրենսգրքի 401-րդ հոդվածի համաձայն.

1. Հարկի վճարումը սահմանված ժամկետներից ուշացնելու դեպքում ժամկետանց յուրաքանչյուր օրվա համար հարկ վճարողը կամ հարկային գործակալը վճարում է տույժ՝ 0.075 տոկոսի չափով:

2. Սույն հոդվածի 1-ին մասով սահմանված տույժը կիրառվում է ժամանակին չմուծված հարկի գումարի (այդ թվում՝ հարկային հարաբերությունները կարգավորող իրավական ակտերով սահմանված դեպքերում՝ հարկային գործակալի կողմից չվճարված), հարկերի կանխավճարային գումարների, հարկային հսկողության արդյունքներով հայտնաբերված (պակաս ցույց տրված) հարկի գումարի նկատմամբ՝ դրանց վճարման ժամկետից անցած ամբողջ ժամանակաշրջանի համար, բայց ոչ ավելի, քան 730 օրվա համար:

«Մաքսային կարգավորման մասին» ՀՀ օրենքի 114-րդ հոդվածի 1-ին մասի համաձայն՝ մաքսատուրքի, հարկերի՝ դրանց գծով տույժերի, տոկոսների վճարման պարտավորությունը սույն օրենքով սահմանված կարգով և ժամկետում չկատարելու դեպքում դրանց բռնագանձումը մաքսային մարմինների կողմից իրականացվում է օրենքով սահմանված կարգով՝ մաքսատուրք, հարկեր վճարողի միջոցների կամ այն ապրանքների արժեքի հաշվին, որոնց համար մաքսատուրքերը, հարկերը չեն վճարվել:

ԵՏՄ մաքսային օրենսգրքի 153-րդ հոդվածի 1-ին մասի 1-ին կետի համաձայն.

1 «Մաքսային տարանցում» մաքսային ընթացակարգով ձևակերպվող օտարերկրյա ապրանքների նկատմամբ ներմուծման մաքսատուրքերը, հարկերը, հատուկ, հակազնագցման, փոխհատուցման տուրքերը վճարելու պարտավորությունն առաջանում է՝

1. հայտարարատուի համար՝ մաքսային մարմնի կողմից տարանցման հայտարարագրի գրանցման պահից:

Ղեկավարվելով վերոգրյալ իրավակարգավորումներով և հիմք ընդունելով «Ներքին սպառման համար բացթողում» մաքսային ընթացակարգով հայտարարագրվելու դեպքում առաջացող մաքսային վճարների և դրանք սահմանված

Ժամկետում չվճարելու արդյունքում առաջացող տույժերի վերաբերյալ թիվ Ն161 և Ն164 մտից համարներով զեկուցագրերին ի պատասխան թիվ Ն162 և Ն165 մտից համարներով տեղեկանքները՝ «ԿՐԻՍՏԱԼԼ» ՍՊԸ-ի կողմից վճարման ենթակա մաքսային վճարները, հարկերը և դրանց հանդեպ 26.10.2020 թվականի դրությամբ հաշվարկված տույժերի հետ միասին կազմում են 943882 ՀՀ դրամ և չվճարելու հիմքով ենթակա են բռնագանձման:

Ելնելով վերոգրյալից և ղեկավարվելով ՀՀ Սահմանադրությամբ, «Մաքսային կարգավորման մասին» ՀՀ օրենքով, «Հարկային օրենսգրքով», ԵՏՄ Մաքսային օրենսգրքի և «Վարչարարության հիմունքների և վարչական վարույթի մասին» ՀՀ օրենքի 7-րդ գլխի դրույթներով՝

Ո Ր Ո Շ Ե Ց Ի

1. «ԿՐԻՍՏԱԼԼ» ՍՊԸ-ից հոգուտ պետական բյուջեի բռնագանձել ընդհանուր **943882 ՀՀ դրամ**, որից ավելացված արժեքի հարկ՝ 690612 ՀՀ դրամ, մաքսատուրք՝ 164431 ՀՀ դրամ, բնապահպանական հարկ՝ 65773 ՀՀ դրամ, ավելացված արժեքի հարկի տույժ 26.10.2021 թվականի դրությամբ՝ 11602 ՀՀ դրամ, մաքսատուրքի տույժ 26.10.2021 թվականի դրությամբ՝ 10359 ՀՀ դրամ, 26.10.2021 թվականի դրությամբ՝ բնապահպանական հարկի տույժ՝ 1105 ՀՀ դրամ:
2. Որոշման մասին օրենքով սահմանված կարգով տեղյակ պահել «ԿՐԻՍՏԱԼԼ» ՍՊԸ-ին:

Վերոնշյալ որոշմամբ առաջադրված գումարի վճարման հաշվեհամարներ են.

900005010120 հաշվեհամարին ավելացված արժեքի հարկ՝ 690612 ՀՀ դրամ և ավելացված արժեքի հարկի տույժ՝ 11602 ՀՀ դրամ, նշել 30 կողը:

900005017109 հաշվեհամարին բնապահպանական հարկ՝ 65773 ՀՀ դրամ, բնապահպանական հարկի տույժ՝ 1105 ՀՀ դրամ, նշել 30 կողը:

900005000618 հաշվեհամարին մաքսատուրք 65773 ՀՀ դրամ և մաքսատուրքի տույժ 10359 ՀՀ դրամ, նշել 30 կողը:

Սույն որոշումն ուժի մեջ է մտնում դրա ընդունման մասին իրազեկելուն հաջորդող օրը և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադատության կարգով կամ ՀՀ վարչական դատարարության օրենսգրքով սահմանված կարգով՝ վարչական դատարան:

Սույն որոշումը կամավոր չկատարվելու դեպքում այն կկատարվի «Հարկադիր կատարումն ապահովող ծառայության» միջոցով՝ պարտապանի հաշվին:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

ՀԱՅԿ ՄԻՐԶՈՅԱՆ

The image shows an official blue circular stamp of the Republic of Armenia Tax and Customs Administration (ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ). The stamp contains the text 'ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ' and 'ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱԿԱՆ ԴԱՏԱՐԱՆ'. A handwritten signature in blue ink is written over the stamp.